

PRODOUMIOS

(*Proverbes locaux*)

Par M. Marcellin LABORIE

*Douna al pauré n'apauris pas.
De prega Diu retardo pas.*

*Al jour del jujomen
Tant valdra fens coumo argent.*

*Lou badal vol pas menti,
Ou vol manja ou vol dourmi.*

*Val maï un trauc al couïde
Qu'un plec al ventre.*

*Aprèp la soupo un cop de bi
Pano un escut al medeci.*

*Val maï d'amics en curso,
Que d'argent en bourso.*

*Val maï un que sap
Que cent que cercon.*

*Jouinesso deregado,
Bieilhesso tourmentado.*

*A quinze ans la filho ris,
A vingt ans, se bol, cauisis,
A vingt et cinq s'accoumodo,
A trento, passo de modo,
E la pauro, alèro, pren
Lou que ben.*

Luno roudado
Plèjo assurado.
Luno plano
Terro molo.
Luno pendentó
Terro fendento.

Rises pas de la péno dou bési,
Car la tio es en cami.

Qui demoro al tour de soun couderc,
Se res nou ganho, res nou perd.

Qui n'escouto la rasou,
Mérito lou bastou.

Paouretat n'es pas bici,
Mais de missant serbici.

Fum de coumbo,
Demoro à l'oumbro,
Fum de pech
Demoro al lech.

Marcellin LABORIE,
Maître en gay-sçavoir.
